

樂志堂詩集

樂志堂詩集卷八

南海 譚 瑩玉生撰

壬寅賀新年作戲倣俳體

沿街酬酢性情真也覺寰中氣象新  
敢謂周旋甯作我何曾熱鬧總因人  
衣冠不寐三城曉笑語無嗔萬戶春  
漸訝回車多長者陳平門巷久知貧

晴暖宜當一歲先廣州全盛亦神仙  
被兵聊幸承平似避客偏聞剝啄填  
五嶺簪纓都在否八橋幫屐卻依然  
相逢不比寒暄話齊祝今年勝舊年

是最閒時卻可閒不容高臥掩柴關  
普膺全福宜交賀

兩厭繁文各未刪出怕逢迎思避俗歸嫌款接謝看山  
年來心迹人知懶屑與狂生計往還

依舊傭書固未能高門偏未許龍登巡街轉作蕭閒局  
謝客何論耐久朋邂逅緣慳仍枉顧吉祥語熟太無憑  
人生老壽原宜賀况值堂堂一歲增

裘馬輕肥盡達官紅牋名字墨初乾未營家廟思先德  
誰卜村居訂古歡請見畧存真面目徒行休笑敝衣冠  
宰衡節鎮聊相詡竊豔先生苜蓿盤

亂後鶯花局悄然入春聊與賀春先憂生嗟亦唯今歲  
榮世心全讓少年兒女青紅需節物街坊香火奏神絃

杜門卻軌昇平慣兵燹何人說太偏

一年一度繞重城獨爲親知決此行何喜忽令門若市  
無因彌苦路兼程久同雞肋憐滋味轉笑蠅頭署姓名  
入詞館刺上題名獨大猶有人懷嚴相國拌教循例句難成

問年端使客愁添說慶元辰各未嫌野服尋恒原矯激  
筍輿迎候太莊嚴門敲誰謂真開逕車過相看不捲簾  
初四初三忙底事街頭新月已纖纖

### 爆竹

年光箭激此聲中劫閱華嚴轉眼空敢信鬼神驚燭火  
亦供兒女鬧春風鸞簫鼉鼓提倡早兔月羊燈絢爛同

最是亂離聽不得記當銅礮徹天紅

論成無鬼阮生偏斷送年華舊俗沿古法畧存儺禮重  
俠腸忽詫劍光先英雄事業當前見富貴機緣靜裏傳  
如水臣門羅雀慣宵裁歲例聽蕭然

急同星火迭相催從半天中鬱怒雷壇絕子規山竹裂  
門多款段落紅堆誰稱總管如飛電莫向東方問劫灰  
經卷繩牀人習靜入春聽徹萬千回

免俗綦難可避囂鬧從除夕到元宵蟄龍不爲癩雷震  
靈鬼真隨劫火消掣海長鯨鱗並閃朝天獨鯉尾先燒  
暗中漸覺流年換聲愈喧闐愈寂寥

萬千聲合不能知氣燄薰天是此時誰使身名同決裂  
或緣製造太離奇雲雷風雨昆陽戰錦繡笙歌洛水嬉  
如火如荼均一瞬沿街零落紫胭脂

燈燭香花總一般相傳魑魅膽會寒勢當滅裂心先碎  
焰藉光靈指待彈氣傍雲煙朝馥郁聲隨風雨夜闌珊  
年來委地長多少有信閭閻物力殫

褒鄂威嚴颯爽同堆英雄又接英雄

并五羊風俗

電光石火

論文格紙醉金迷說戰功驚蛺蝶偏誇厚重門麒麟

作此戲

竟換青紅飄風驟雨能終日春在殘宵閭寂中

萬戶千門遠近同一聲聲迸一宵中佛狼機焰威靈聚

優鉢曇花色相空游戲本來難自在文章先怪卻沈雄  
酒闌人散歌場寂大似沿街賸碎紅

壬寅上春飲酒雜詩

飽五侯鯖事也非咄嗟立辦世相譏東風似此依然在  
舊雨無多願總違文字飲先來不速君裾樂甚醉忘歸  
沿街燈火年時例誰信豪家宴集稀

作客無難款客難春光如此也清寒 太平有象風原  
古離亂依然興未闌真率會多嫌我輩神仙望著謁尊  
官座間籌餉籌兵語頓頓辭先怕減歡

望峻龍門得未曾止談風月也曹騰樂車公到知誰謂

作小人緣謝不能會笑茶瓜偏醉客厨耽蔬筍卻尋僧  
三升酒下唯班史飲亂書堆到送鐙

未妨村酒醉茅柴炮鳳烹龍也遣懷歷檢樓羅排日厭  
羹調咎董及時佳書幅結伴三間屋燈市畱賓十字街  
連日閨人簪綵勝恰宜相昵拔金釵

落拓田間負一瓢水村山郭溷漁樵看花寺觀剛晴日  
挑菜陂塘欲上潮石研素琴名士屢烏絲紅燭美人簫  
年時雅集衣冠盛未許殷勤折柬招

但宜春醉不宜秋但好風光輒欲畱人日烟波花照眼  
上元燈火月當頭銀鞍白馬爭投店紅袖雙鬟待倚樓



三二月天長酩酊穠華不負此生休

說飲屠蘇少者先謝公哀樂醉陶然良時何必年三五  
美景休論價十千最得名花仍入座倍銷魂月恰當筵  
亂離樂事刪除盡獨醉餘寒薄暝天

美人家住木蘭舟官道旁開舊酒樓似此韶光宜痛飲  
詎煩商畧始淹畱何當預日期先訂及使更番促未休  
治具魏其原亦誤時趨爭學武安侯

食年糕作

百事俱高語吉祥狀元難定味尋常茶瓜會捧珠槃易  
櫻筍厨誇玉版香殆至親貽從隔歲更無人說類重陽

療飢原遜桃花米卻爲宜春頓頓嘗

獅子蠻王肯復存裁紅暈碧爛盈門承筐誼切新藤槥  
出釜詩仍老瓦盆米蕪雙弓朝晏起茶煎七椀晝清言  
亂離穀賤猶能作莫當平時節物論

題張白雲鍾進士攜家圖

丁香鬼學趙千里

見靜志居詩話

深墨居然前進士君王夢裏

見全身若輩愁先逢母指眷屬由來本一家年時嚼鬼  
說生涯長官袍非嫩於草小妹顏誰嬌學花威能役鬼  
鬼足恃蟬怪貓妖無一似曰來則來分所宜欲泣未泣  
神先死風酸月苦誰端詳朝靴角帶當中央慙慙或同

稀遇婦威靈真類虎驅倭鮑家詩向秋墳唱無端攫取  
聊相讓人家瑣事胡熱腸地獄危機俄變相嗚呼身家  
念盡真鬼雄有家可攜猶乃公相依長藉鬼驅使所役  
甘受君牢籠鬼原有罪任彈劾無罪均當假詞色恩威  
並濟敢憚勞駕馭失宜翻市德終南徑捷復何求仍許  
歸臥山之幽神偏反覆無常匹鬼亦揶揄一輩休手中  
笏總尋常製

明李贄詩莫倚區區手中笏

髑髏生或金貂例獨開生

面忽森羅誰迸死心迭環衛吁嗟乎山鬼伎倆殊可憐  
祝神成佛早生天不然移家逕比陶宏景飽聽松風骨  
亦仙

伍紫垣秋舫昆仲蒙 恩並擢省郎兼賜雀翎以

詩賀之

深明大義

聖人知迭晉清郎筮羽儀助 國倍於常例遠督師先

報 特恩宜此番彌觸鵠原感

謂尊兄香臯觀察春嵐都轉均蒙 恩賞戴花

翎 何日同賡虎拜詩吉語似聞君慰否 九重綸綍靖

華夷

誰似忠良翊 聖朝冥冥氛祲詎難銷錦帆颭閃知乘

月鏡弩英靈慶射潮撰著久推花萼集丰裁偏愛侍中

貂四枝翠羽凡三錫異數全家冠百僚

君殊不喜轉逡巡七尺昂藏報主身文采各誇如孔雀丹青終覩畫麒麟雙丁兩到才無愧馴象生犀信倘真沿海連營征士樂相期均作帝廷臣

並趨丹地拜黃扉轉眼齊披一品衣榮世文章兼孝友進賢冠服儘光輝對牀驛共吟當苦列戟門分擬總非此事尋恒緣慣見恰如萊綵悅庭闈

寄懷徐鏤孫大令

消息驚聞復甬東故人遠宦久從戎妖星激射旌旗換大樹飄零壁壘空擊楫原宜師祖述請纓真悔學終童寒泉一掬臣心白其奈郊原戰血紅

膽大吾欽趙順平由來將種例知兵彤弓玉節軍先  
火艦風船敵可輕瀕海依然淪異域舉朝還欲倚長城  
尤憐闔郡遭焚掠水戰誰偏使陸行

薦舉深恩決不疑擁旄仗鉞竊相推彈章慷慨膺殊  
錫羽檄縱橫悵遠離文字盡裁汧督誅姓名誤學黨人  
碑中州千里河流梗斜日蒼茫倘哭師

幕府談兵大有人東南重鎮太平民督師卻令同孤注  
所主原期似積薪魏絳和戎誠下策魯連蹈海倘前因  
至尊宵旰仍矜卹又辱星輶到重臣

邊事十一首

容易知邊事何曾讀父書伐謀多上策激變有前車壯  
往宜商畧綏懷仗卷舒快哉真寢處皮肉諒無餘

抵死酬 君父前生定尾箕英雄剛得半吳越總難支  
足愧逋亡者爭傳決絕詞

聖恩高厚極賜諡立專祠

半壁東南寄三公闕閣高親賢同衛霍威重比蕭曹幽  
薊從軍樂荆襄轉餉勞奈何房次律仍復敗陳陶

閩浙兵俱滿吳淞寇轉深馭戎誰少保戚專閫有梅林

習膽懸軍守銜鬚報 國心通倭明代始蹂躪似如今

風利錦帆指邗江定潤州金焦各門戶南北此咽喉總

險宜先據軍儲可自由重臣都束手空切杞人憂

蠢爾英夷類西來萬里遙武侯擒孟獲疏勒畏班超虎

負隅非固蛇奔穴易驕蛟門偏不守逕抵駱駝橋

在甯波府

龍驤王濬少風鶴謝元非忠武黃天蕩開平采石磯渡

江聞將令背水學兵機誰獻和戎策蕪城未合圍

今上推神武豐功涿鹿過何嘗待征權端欲靖干戈前

代需求異偏隅殺戮多九重崇儉德丹詔許求和

五利言非謬誰令互市分重名偏瑣屑浮議太紛紜寬

大胥懷惠羈縻舊策勲嶺南原重鎮永憶故將軍

香港知難界舟山幸已還盈廷如聚訟籌海夙成編臧



紇要君似僑如殺狄先親軍龍武駐果願勒燕然  
瀕海彌多盜中原轉易窮碎同和氏璧得擬楚人弓有  
日思移市曾誰論徙戎罪言如杜牧惆悵酒尊空

人日獨游花埭觀牡丹

入春數日日日晴吹花風輕春水生看花打漿渡江去  
牡丹臨水如相迎杜鵑薔薇豈不好座有優曇皆草草  
端莊偏覺畱香難矜惜猶然得氣早太平樓閣海霞紅  
髻鬢一尺嬌春風嫣然欲放半未放意匠慘淡經營中  
尹邢相見何曾妒絕代人剛承雨露九華掩映何惺忪  
七寶莊嚴儘呵護我聞曹州牡丹天下俱不如維揚今

無三兩株一花盛衰良有數何不漸教尤物生海隅又

聞文康冢孫始移植

見昭代紀畧

灾祥合補花木厯書傳紀

載何荒唐不見買花人家賞花例邀客底事繁華僅一  
年此事稍怨天公偏久久滋培花放若盆盎不數攀枝  
十丈紅參天復思此語等兒戲每常花在等閑事文章  
難處見光芒聲價重時商位置狀元才非黎美周作詩  
可有金罍酬別花歸去花不管痛飲待月樓船樓笙歌  
如沸傾城出縱花宜稱復何必書生寒儉載琴來人日  
未宜宜穀曰

元夜觀燈十首和姜白石次原韻

兒童競說鯉魚燈  
獅象鸞龍各像生  
元日纔過人日近  
四牌樓畔已難行

期卜開燈列肆譁  
酬燈神廟遍家家  
菩提葉亮玻璃似

蓮草青紅簇作花

菩提葉燈見周必大省齋稿及南海百詠

宜男插鬢有鳴蟬

見天中記

剛送燈時月正圓  
最喜采青

見新

語風俗革慶燈堂上照聯娟

繁華端合耍孩兒  
前代坊名豔繡衣

繡衣坊名見黃通志

最喜八

旗生計在曉攜燈  
出十千歸

買燈用到賣文錢  
相勝難期影萬千  
卻願標燈環炭者

喫齋煮飯記從前

月地雲堦繡幕垂南油西漆百千枝大官也看民同樂  
拱北樓頭漏盡時

故事紛紛半凱旋汾陽祝壽定何年英雄兒女皆陳迹  
錦簇花團盡目前

錦繡金銀十字街燈輪如月踏歌來年時蠻海烽煙淨  
復見昇平第一回

賭蔗門柑年少日錦袍繡帽看脾燈近聞已遍河南北  
不僅新城與內城

女裝獸面總妖魔哀樂無端卻奈何此事 聖朝原不

禁八橋花月愛笙歌

題宋槧蘇詩十絕句爲潘德翁觀察作

注四家仍集百家水仙王事問同差未觀嘉泰流傳本  
早識吳興軼永嘉

歲久功深自不慙微言曾與石湖參重刊鄭羽仍修補  
一序偏遺陸劍南

並稱施顧復何如家學能貽讓德初鋟版也興文字獄  
絕憐窮乏善歐書

偶然藏弃亦千秋兩代傳人第一流獨惜滄桑經浩劫  
無多人說絳雲樓

營書棄產話前塵低首琴川閣主人功在藝林歆羨極

鷓鴣聲接杜鵑聲，開殿春光得酒名。  
遲暮相憐猶士女，後來依舊卜公卿。  
最銷魂是扶殘醉，已斷腸偏帶宿醒。  
管領東風原一例，黃梅子熟也和羹。

莊嚴色相亦花王，如此風神稱豔陽。  
時世粧成非北里，分離事轉惱東皇。  
玉盤盃對呼歡伯，金帶圍徵別醉鄉。  
落盡酴醾蝴蝶返，由來香界任炎涼。

晦日吟看酒百鍾，夜闌怕聽五更鐘。  
微醺始耐餘寒節，歛怨尤憐絕代容。  
香國沉酣宜白墮，離筵錫予到黃封。  
豐臺花事繁華極，纔送春歸又送儂。

閏五月竹醉日移竹

前月移數竿森森夏寒玉尙嫌夕照多未竟一庭綠今  
年月逢閏連陰雨新足幽人勤種植奚必定拘束風土  
記有言無因強違俗疎密課園丁淺深法宜熟涼雨瀟  
瀟來宿醒喜新沐敢頻邀枉顧賴君伴幽獨

一年獲一醉君醉我獨醒今年醉雨番洗酸宜不停慣

說龍生日龍竹兩忘形諒久頽然矣護有龍精靈以酒

得自全

本宋子京詩

頗類余生平流轉類萍梗竦節欽亭亭

平安日待報上時

見羣芳譜

本分明布席酌千觴共醉荷風

馨新晴月如洗約畧聞秋聲

魚生

斫鱠法不傳魚生本殊俗風霜水國涼池沼江鄉足舉

網遍剔鱗飛刀碎切肉登盤絲或紅下筍縷如玉似鸞

飛亭亭

見謝諷食經

學蝶化簇簇

見隋唐嘉話

鱗脂光可燃蟬翼

薄能燭未濕帟全白相環鐙轉綠厥配唯蓴菜所主乃

蘆菹芽析老薑漬汁揉新橙漉瑣屑到扶甯芳馨又籬

菊米糲紛可遇鹽醯遞相續各訂多寡宜仍爭後先促

酸鹹每多戾燥涇肯咨卜飛騰若風雨凌亂合絲竹戟

拔復弩張蘭搖與桂縹萬丈

見吳均食移

忍停口五色

見麗情傳

端耀目老饕原跋扈他鄉轉噸蹙木耳

見酉陽雜俎

能論爽

水精當遜馥

見東京夢華錄

路歧持半籠橋南飽五斛節奏

見隋



唐喜話

肯充耳咄嗟

見謝諷食經

思果腹專門

全上

各各誇鱸具

家家足人旺卻能扶

見廣東新語

客來半不遑

魚生狗肉不請自來粵人

諺語眉飛色舞時腦滿腸肥局嗟余嗜卻懸豈伊生使獨

久絕丁生夢

見春渚紀聞

可有遺民欲圍爐火正濃小槽酒

初熟飽啖鱸魚羹仍炊臘八粥

### 江行襍詩

水楊柳碧木蓮紅夾岸人家入畫中誰信嶺南秋色麗

雁來時候未西風

飽五侯鯖亦枉然五湖鰕菜夢彌年江鄉大嚼論風味

巨口鱸兼縮項鰻

繫船多在蓼花中三日蒲帆未阻風最是黃昏無限好  
落霞如繡月如弓

漁莊傍水插笆籬烏柏霜紅一兩枝千頃蘆花如積雪  
鯉魚風起放鷗鷺

水松環水盡村場薜荔交纏葉著霜秋水滿川斜日瘦  
捕魚飛下釣魚郎

鳥名

尋詩句憶杜樊川雞犬圖書共一船祇有阻風無中酒  
扶胥江口芋紅天

雪裏紅

詎無紅菜甲雪裏託根難竹葉何妨醉花枝一例看園

林分冷豔厨傳本清寒  
淺著胭脂色登盤未忍餐

至樂

已無親養總尋常  
獨以官貧去住忘  
至樂藹然依骨肉  
求工無益悔詞章  
出山最苦難低首  
游世何容太熱腸  
舊日酒徒猶未散  
拗花同醉綠陰堂

許賓衢員外招飲袖海樓二首

畫成金碧李將軍  
煙月空濛帶夕曛  
風雨星霜添白髮  
笙歌文酒醉紅裙  
年來嶺海豪華似  
人戀江湖出處分  
屈指舊游零落盡  
水天閑話卻逢君

月地雲堦不可知  
星房霧閣笑迷離  
琴尊賓客多耆舊

梁敦東南孰主持前輩青蓮無此樂君家丁卯例能詩  
華嚴劫闕偏畱戀坐到參橫斗轉時

甲辰夏連雨江漲排悶作

快雨淋漓積潦來房櫳几榻有青苔小樓原擬江鄉築  
深巷居然水市開佔客妻孥同一舸神仙雞犬上丹臺  
解嘲自作渾難就排悶端應藉酒杯

荒涼隨處有頽垣環堵如今亦幸存未必人心先悔禍  
似聞鬼哭總銜冤粵中水利需奇策天下軍儲愛大言  
鳳鳥不來精衛至艱難填海復誰論

先生端合屋如舟學舍何曾到宛邱三尺水添篷響切

五更潮落展聲幽嫩晴燕雀窺檐訝深夜魚龍繞榻游  
便著釣蓑吾所願竟教長日靜臨流

西北分流勢力均早占災沴自農民犀牛堰築何曾固  
燕子田荒亦太頻穀價昂兼春後旱蕉聲聞苦夜來真  
昏朝兩度仍相過卻例江湖比故人

奚論族黨與城鄉並在盈盈水一方漂泊可同鷗結社  
零星誰爲鶴儲糧牽船作屋真宜稱縛筏爲田益渺茫  
傳語侈談經濟者當時鄭重志江防

### 風雨過峽

萬木助喧豕千山鬱怒雷水增雙漿壓風烈一帆開葭

莢老漁避萍蓬孤棹來平時輕性命冥坐覺悲哀

抵端州登閱江樓作

七星巖岫拱端州水遶孤城日夜流控禦絕奇金碧畫  
登臨都作稻梁謀昨聞雞犬依牆立曾見黿鼉入檻游  
出峽北江同注海來經三十六江樓

梁益滇黔蒼茫間江盤遠勢恰彎環樓同黃鶴人誰倚  
峽束羚羊水不還南國干戈防積潦西疆鎖鑰奠羣山  
年來競獻屯田策獨凭扶闌笑我閒

怒濤山立勢俱東浩瀚汪洋一線通重鎮巍然關保障  
頻年於此卜凶豐城垣屢說存三版環堵奚從覓數弓

新息當時遺鏃在射潮端賴出羣雄

水行萬里滙西江欲砥狂瀾未肯降瓜蔓潮平聲轉急  
梅花椿穩力能扛閒來也覺雲飛棟仁聽端疑雨打牕  
鞏固隄防無可恃釣魚臺下覓漁艖

登寶月臺

笑比河清甚烏臺事倘然歸裝無一研遺像已千年水  
月莊嚴稱閻羅供奉虔雲房誰借宿也欲枕書眠

枕書堂名

七星巖讀李北海端溪石室記拓本

生平酷嗜北海書此記書者知誰歟疑張庭珪集古誤  
祈葉法善追魂虛崧臺石山好巖洞碑頌尤長語奇中

六絕名高張驚稱八哀心折杜陵痛想當遵化初貶時  
命友琴酌恒於斯注靈通感此地得徇物慕名邦伯誰  
茫茫宇宙公長嘯四裔獨誇碑版照義取無虛天下知  
自書倘得山靈笑未應往返遠求人宋時重刻諒非真  
李陽冰許仙同妙王化清來記又新弔古空山勞躑躅  
依然珍重編碑錄討賊當年仗此材功成轉藉楊思勗  
高要莫樹儀聘妻黃氏貞孝詩

妾年十三郎年十七髮初覆額門誰出未上高堂歌挾

瑟偏使銜哀同漆室

解一

妾不殉郎妾畱撫弟練裙縞袂

經三歲弟已長成庸再計海枯石爛人間世

解二

妾不殉



耶妾畱養姑承巾奉帚原區區並命靈禽佳婢俱繡佛

長齋姑慰無

三解

妾何嘗病妾何妨病豈必延醫肌不淨

昔人斷腕同持正仍斷葷血殆知命

四解

妾仍撫弟妾竟

殉耶孀姑兩鬢如秋霜韓憑冢作雙鴛鴦宛生遺恨總

茫茫

五解

妾不養姑婢畱養姑萱花壽祝王母符妾比羅

敷自有夫婢卻欣然同茹荼修短靡常誰預圖純孝相

感良非誣吁嗟乎純孝相感良非誣

六解

### 禺峽山

分江始擊汰度嶺思北征諸峽門奇險淹畱嗟水程中  
宿屆能泊二禺觀若驚風塵儘跋涉泉石閎英靈鬼神

磬斧鑿粵嶠刪圖經嶺偕衡庾峻水束滇湟急修巒絳  
雲截層陵碧漢插一一寶帶環兩兩碧玉合阻澗岑陡  
傾連山路轉狹崩崖斷塹聯鑿障玉屏立三峽夙並稱  
奧折殆難及負豈夸娥背擘有巨靈手路據湖海衝境  
說林臯藪棲剌而彈雲銜日以衝斗中外論福地羣推  
第十九軒轅兩庶子太禹與仲陽初武二臣偕各隱南  
北方書臺臥麋鹿香徑來鳳凰祠廟久歌傾笙簫彌渺  
茫抱朴求仙所達摩逃禪地釣鯉潭可徵歸猿洞誰記  
某水復某山何年究何事感不絕余心待稽禹峽志試  
眎彼絕域壁岸疑無階壽藤纏修坂古木撐懸崖崿流

遞相承林藿邃彌佳足窮川陸勢益凜秋冬懷七十有  
二峯夾江森對排北禺獨高秀天清雲薄遮美人與仙  
人明月復丹霞或如赤幘岸宛然雙髻了簪篸本多竹  
芙蓉疑著花岫衍巖層層林紆逕迭斜老榕攬山椒綠  
蘿鉤渚涯碁響闕仙洞篙聲答漁家南禺嶺如幬行憩  
覺愈奇香爐鍊鉢孟仙掌修蛾眉瀉玉與攢玉金支揚  
翠旗牽路細沿江陡絕靡不宜騰壑復降深連木陟百  
梯澗複竟若疊臺平偏不危前代盡臣朱落花曾葬之  
橋支遠流香軒開署淙碧注壑球鑽清騰空組練白遶  
谷半溪痕峭壁皆泉脈溜嚙石梁歆瀾傾野逕窄四山

松濤聲一水桃花色海潮自五羊往返未逾夕峽山知名寺飛來自何許棟宇溯齊梁門基析今古兩地結水雲一天普花雨帆影半空江磬聲萬千杵一角畱臺嶺雲封竟誰主水碓響松關齋魚又粥鼓靈境不復飛空王默無語緇服思元者鹿裘念一夫疊躋縻鎖跡共結刹靈圖樵隱與漁商猿徒抑鮪族果謂神明境託業愚公谷行色何匆遽名心各繫戀道宿復津濟林嬉更水晏推篷欣給賞躡屐恣周翫忙間局頓殊喧寂場迴判縮地方不傳買山錢可辦倘深仙佛緣足了向禽願訪碑倏殿左挂席旋江干煩惱覺心爽莊嚴猶指彈輕舟

小如葉又沂磨刀難夕照月已黃羣山鬱蒼蒼雲際懸  
靡極木杪行敢忙确犖徑繭足邪許聲斷腸我宜置邱  
壑佛倘疲津梁山翠猶著衣山容儼在目土銼伴油燈  
風餐還水宿山靈黯然別一江鎖寒綠

淙碧軒觀瀑作

寺偶飛來水不飛匡廬雁宕想依稀泉聲逾動山逾靜  
已落枯禪第二機

雲房寄宿倘前緣琴筑聲中意惘然隔岸又聞啼謝豹  
在山泉亦出山泉

風度樓懷古

五嶺英靈萃偏難翊盛唐古來賢宰輔誰擅大文章匡  
濟逾崇璟艱難倍杜房風流亦王儉調護比張良方士  
偕游月孤臣痛履霜哥奴權早握軋獰焰方張令僕才  
如此羌胡亂早防此身遲去就片語悉興亡曲突思明  
哲蒙塵慟上皇玉環空有恨金鏡久無光嗚咽歌諧笛  
摩挲笏貯囊身隨元鶴杳禮備太牢莊百粵人文藪千  
秋翰墨場謫仙原並譽元帥實相當後起煩諸老先聲  
倡此方昔曾繙大集今特藝名香十郡推真相層樓認  
舊鄉何人比風度異代感君王羽扇情何限羅衣誼竊  
傷論詩兼弔古祠驛樹青蒼

度大庾嶺作

梅花如雪雪聲聞一逕紆迴遠入雲開道尙傳唐宰相  
閉關曾斬漢將軍清嘉山水誰傷別來往輪蹄久靖氛  
幸值 太平無斥堠華夷當日此中分

杭州

殘山賸水住臨安桂子荷花興未闌臣妾阜紗言憤厲  
婆畱鐵弩業艱難此間形勝趨閩廣從古勲名數岳韓  
長醉銷金鍋裏易西湖直當汴梁看

上元夜抵閭門口號

雪撲船牕酒未溫依然簫鼓滿城喧長年添纜孤燈爇

便算蘇州作上元

風懷一首

樓臺燈火列金釵門巷烏啼月滿街我正善愁同洗馬  
被稜如鐵詠風懷

揚州

蕪城賦後十宮開月觀風亭又吹臺水合邗溝吳淞富  
山臨瓜步佛狸來飛書或可陳琳並擊楫庸知祖逖哀  
行遍竹西歌管閑卻蠻誰憶錦帆迴

謂辛丑壬寅  
蕃舶警報

旅店題壁

四十年華早倦游雪花如絮撲征裘新豐貰酒雄心在



未必功名似馬周

東阿道中作

世途巖嶮原如此萬里之行覺獨難  
平地風波仍不少挂帆人莫等閒看

邯鄲道中戲作

短夢全無意惘然台司遷謫也神仙  
枕頭願借人如織永向邯鄲旅店眠

春日旅懷和鄜海雪五律八首

有序

僕

公車循例北上無詩旅舍紀游南歸有夢上春弭楫  
乎吳越經時擊筑乎幽并節屆豔陽訪六朝之名勝情

深舊雨憐三月之風花淡到名心激昂可想拋殘綺語  
觸撥依然撫景流連懷人愴悵庚郵慣歷備知行者之  
勞丙舍能營倘遂終焉之志客愁何在較春草以彌增  
詩思無端隨落花而共減矣獨是結習未忘清源自濬  
飄蕭行篋偶攜海雪之編輾輳吟鞍仍學土風之操愛  
古人而和作肯隨地以畱題拈毫各綴小言按藉疑繙  
舊譜誰得江山之助朽木難雕飄然嶺海之還瓣香如  
故詣獨開平生面知原具乎寸心杜工部之沾丐恒多  
李樊南則搗擗不必有情芍藥女郎詩笑秦觀依樣葫  
蘆學士文仍陶穀爾

西湖上春

西湖比西子宜雨更宜晴柳絮霏霏駐桃花的的明東  
風誰釣蟹初日獨聞鶯游女何多態停撓無限情

留都春事

金陵佳麗地從古帝王都春水碧于染春煙淡欲無陸  
機初入洛張翰早還吳旅思不可觸隔江聞鷓鴣

江南春

紅杏醉晴霞吳姬賣酒家翔鸞九華帳寶鳳七香車鷓  
鴣尋芳樹鴛鴦襯落花莫愁湖小住春夢渺天涯

人日登越王臺

宜人唯此日歲歲獨登臺游子逢佳節書生敵霸才英  
雄空割據憑弔足悲哀故國多朋舊僧寮共酒杯

清明

豈是研京手金臺鎮日忙詣人新活計羈旅好時光花  
柳催寒食松楸憶故鄉墓田無百畝偏說義田莊

踏青詞

何處無芳草况逢三月三煙光談嶺外風物比江南北  
地花如許征人晚更探粵臺思往日游侶各停驂

蘇隄

亭午四山綠天然圖畫中笙簫烟水路琴劍綺羅叢僧

寺桃花浪伎船楊柳風相逢在雕幃乍見各西東

人日寄雲綠蘿

春江花月夜打槳慣相迎蟬鬢青霞帔鸞簫紫玉笙  
有人如杜牧何日見雲英記得元宵節門庭似水清

抵都門看花重和有寒木齋集憶舊游之作

崇效寺牡丹

豔福誰如區海目舊碑圍有百叢花

庭前有區大相碑花環植其旁粵

人覽古宜吟社輦下尋春到佛家幽賞固當來我輩

芳時不負客京華柵頭村名亦有名園在一例東風擬總

差

愍忠寺海棠

不見逃虛閣

藥房先生集名

主人來游合記畫中身

先生都在都門會偕洪

雅存黃仲則諸名流於寺中作

餞花圖卷後歸嗣君楨伯明經華嚴圖卷成千古燕趙

輪蹄過一春戰血長埋憐特豔

寺為唐文皇征遼陣亡將士瘞骨地吟魂

原幸結芳鄰

余家與先生舊居相去不遠

西園雅集猶難繼

乙未春會偕伯

臨比部賦白秋海棠詩刻之

獨對名花倍愴神

朱竹垞故居紫藤

藥亭詩老抵都時花下畱題數首詩雙古藤身曾記否

小長蘆叟特招之

見曝書亭六堂堂兩集

琴尊契闊增離思襍被

吟看屢折枝

今為順德邑館計偕故人多寓此

添得粵中佳話未南歸

新種也編籬

太行山

滎陽形勝有無間終古滹沱一水環四代神京誇保障  
中原大局輦河山平蕪滅沒飛狐嶺夕照蒼茫倒馬關  
敢似酈生談將畧相隨數騎射雕還

南陽一首

弔古憂生感亂離側身天地總成癡不徒人物無諸葛  
名士躬耕近有誰

大小孤山

大孤山對小孤山白浪如山客棹還彭蠡雁飛寒月冷

洞庭鴉返夕陽班天聯絕島長江裏人詣荒祠古木間  
便嫁彭郎誰屑道陰晴髮鬢認煙鬟

黃鶴樓

白花浪濺雨冥冥鸚鵡洲環草樹青過客能來皆跌宕  
才人終古尙英靈荆襄衝要誰重建江漢分流勢不停  
南北咽喉都會地萬舟牢繫列仙經

赤壁

江山獨此戰爭多鐵板銅琶且按歌年少英雄三國最  
古來遷謫幾人過劫灰尙在誰還識明月重圓今若何  
我正橫飛孤鶴似惜無風範學東坡



采石磯

擎撞風捲怒濤聲  
古戍荒涼月正明  
豪宕更誰如李白  
遭逢自昔數袁宏  
江山似此宜觴咏  
興廢須臾幾戰爭  
莫說梁陳當日事  
開平勲閥尚知名

秋水吟

花鬢泣露芙蓉死  
鏡裏啼紅泣深紫  
蒹葭一碧搖艣枝  
明月如霜雁聲起  
魚龍吹浪海風腥  
一路看山憶洞庭  
秋思滿湖無可著  
膽瓶簪菊薦湘靈

樂志堂詩集卷九

南海 譚 瑩玉生撰

陳獨漉梁藥亭集皆有懷古詩舟車無事和作

燕臺 錄三首

燕昭霸業總茫茫誰爲黃金到此鄉游說縱橫尊任俠  
羈留怨毒拌興亡論人比擬先諸葛書盜譏彈半紫陽  
今日狗屠零落盡曾無結客少年場

壯士仍悲易水歌樊將軍死却如何郭隗仕始賢才少  
樂毅書傳涕淚多絕塞千春同日月神京四代鞏山河  
當年召伯分封地百戰巖疆待枕戈

蠶食當年止暴秦朝同韓魏事酸辛由來保國須良將  
從古談兵畏佞臣決戰未能煩刺客旁觀偏謂觸強鄰  
望諸君墓難尋覓並乏田光一輩人

楚中

錄六首

鬻熊封國始周家自昔曾聞駐翠華古帝舜陵多苦竹  
息夫人廟賸桃花飛仙樓閣來黃鶴估客帆檣飼黑雅  
熟讀離騷仍痛飲生平誰學賈長沙

曾到章華賀築臺秦庭痛哭也餘哀遠臣屢爲張儀詎  
豎子偏逢白起來敢信楚亡非戰罪須知晉用實生材  
渚宮舊事休重說去去柴桑酒一杯

中衰論相到春申於越句吳總替人豈謂百年曾抗晉  
絕憐三戶竟亡秦大王賸有雌風在神女由來莫雨頻  
滿目芳馨誰爲薦隔江祠廟屈靈均

耳令老將臥頻陽建義偏聞說項梁從古盛衰憐楚漢  
卽今形勝扼荆襄江沱潛合南條水魏蜀吳爭百戰場  
我却三家詩弟子獨攜杯酒醉元王

峴山碑在姓名留宋玉微詞土一坏偕隱龐公時上冢  
倦游王粲獨登樓周郎決戰成三國士行精忠督八州  
莫問九原誰可作滔滔江漢口東流

喚老康偏寂不聞漁家子將水犀軍三重戰艦艱難破

七寶胡牀太息焚上將徐常當及汝先朝陳項總憐君  
臙脂湖與臙脂井名勝同書雅俗分

姑蘇 錄六首

越王宮殿也成灰兩國興亡盡霸才絕世佳人難再得  
當時太宰實同來屬鏤碧血無荒塋響屨零香憶舊臺  
不分浙江潮有信却偕文種各餘哀

采藥當年讓不爭至今人說閩閩城強鄰苦戰論恩怨  
上將陰謀判死生玉帛來同王會早干戈報復女戎輕  
延陵季子高風在屑向專諸巷裏行

霸業銷沈問虎邱靈巖山與百花洲錦帆涇裏人非舊

寶帶橋邊水急流未遇干將休說劍偶逢薪者也披裘  
伯鸞冢傍要離冢一盞寒泉酌子游

鷓鴣啼徹最銷魂經破齊門望楚門挂劍冢旁聊復爾  
吹簫市上復奚言參禪懶問生公石招隱閒尋角里村  
范氏義莊焉得置歸然文正舊居存

顧辟疆園夙擅名子猷看竹愜生平卽今難問藏書地  
吾輩端宜釀酒城落日洞庭鈔橘頌秋風江上話蓴羹  
玉山雅集誰堪繼過洛陽街訪阿瑛

乾鼈秋風百事休枉將書幣污名流牡丹潛看閒攜榼  
張旻篤耨濃薰遠棹舟毫翰東南推伯虎敦槃輦轂重弁

樂元堂詩集卷之十一  
州茄花委鬼興鉤黨偏五人存土一坏

咸陽 錄五首

牛毛法令已全非秦穆當年願却違此醉胡爲偏有土  
同仇偕作本無衣也知六國從難合其奈三王道寢微  
獨詣漢家陵寢拜玉魚金雁總依稀

邯鄲倡憶故夫無一字千金賈亦儒頗牧可能如將畧  
妻孥親見鞏皇圖三千男女仍俟服百二河山本帝都  
宦者高權操廢立苑生同受趙人愚

秦承周室鞏皇基漢晉周隋定鼎宜風雨二陵師待哭  
衣冠三輔俗誰移盤摧捧者銅仙泣壺笑投時玉女窺

教誦阿房宮賦易後人哀獨牧之知

魏帝西行一例看宇文臣節亦高歡重教天下成三國  
却仿周家定六官篡位從來多外戚啓基容易笑羣奸  
掃除江左偏安局免使唐公締造難

國早封秦譽望隆楊裴顧盼定關中乾陵女主偏治廟  
阿剌胡雛易人宮事去帝王憑宦寺禍延藩鎮盡英雄  
此邦當代論人物李鄴侯兼郭令公

洛陽錄六首

周東都又漢東都白水真人赤伏符吉日車攻前代似  
未央長樂故宮蕪沈沈風雨昆陽戰慄慄星辰上將圖



玉璽誰拋晉井裏天心偏早屬孫吳

西望長安隔匪遙大河伊闕莽蕭蕭便誅閹宦能亡國  
誰召奸雄竟入朝銅馬帝堪臣鄧禹玉門關合老班超  
赤眉久滅黃巾起能使中州王氣銷

土圭測日影當中和會陰陽雨復風萬歲呼聞嵩嶽廟  
百年遷及陸渾戎皇靈石鼓陳丹地仙馭瑤笙返碧空  
班固張衡先後賦漢朝聲教與周同

青蓋吳來不解愁青衣行酒復何尤銷兵可憶山濤語  
殺賊唯聞祖逖留今古興亡端在德華夷參錯太無謀  
清談誤國王夷甫畢竟還推第一流

怕隨南伐便南遷虎視平城百五年度越前王端不易  
因仍舊俗也徒然拊循中外唯匡主安輯華戎始定邊  
誰使葛榮邢杲輩蔓延河洛復幽燕

酒名福祿玉脂香就國當年各斷腸猶恐鬼神知密約  
漫勞臺省列彈章漢朝富貴推吳髡姜氏依然惡鄭莊  
試讀梅村歌一闕固當餘孽有宏光

沛中 錄三首

故豐衢巷待經營鄉里重來感慨并大澤斬蛇三尺劍  
中原逐鹿一杯羹帝王崛起翻新局父老頻留話舊情  
風起雲飛思猛士千秋遺恨戮韓彭

龍顏隆準識英雄衣錦歸來溷乃公南頓宛然諸母在  
東宮不與太宗同隻雞樽酒情無異落葉哀蟬句未工  
富貴故鄉思亦慣彭城都却誤重瞳

莫辭極飲醉顏酡四海爲家可奈何擊筑聽知王者貴  
販繒封笑徹侯多關中都善婁君策垓下悲憐項羽歌  
明代孝陵鄉國近滁州徒步戢干戈

蜀中 錄六首

此間樂語亦尋恒創業崩殂痛惠陵吟嘯本來宜淡泊  
英雄遲暮始飛騰君臣遇合猶三代割據威靈比中興  
昭烈有孫忠武子盛衰人定說難憑

一夫容易使當關石棧天梯想像間  
死事却憎談鄧艾  
生降仍喜說嚴顏  
彌留白帝三分決  
廢逐青田一統間  
誰愛大名垂宇宙  
出師人葬定軍山

望帝魂偏化杜鵑  
蠶叢開國事誰傳  
典裘貫酒真無賴  
賣卜垂簾獨皜然  
節度前身原蜀相  
君王遺像託張仙  
閒徵逸事題詩句  
愛浣花溪十色牋

多緣地險屢傳烽  
試向金牛覓舊蹤  
獨笑子陽偏自大  
欲爲劉備更無庸  
英雄相遇唯捫蝨  
人物差堪比臥龍  
不幸嬋娟江左去  
桓家公主却憐儂

樓築籌邊黨禍成  
驛名籌筆倘心傾  
令嚴張詠官殲吏

續懋吳璘弟代兄工部許身同稷契劍南矢志復幽并  
粵中亦有崔清獻水調歌頭擅倚聲

蜀碧書傳忍讀之天開殺運倘然疑豺牙必厲原居此

虎口餘生更屬誰唐宋末無如慘酷孫傳盧象昇外莫中

機宜佳人猛將秦良玉腸斷懷宗絕句詩

金陵錄六首

虎踞龍盤豈偶然偏安事業始孫堅東風已便周郎捷  
春水方生魏帝還個儻人材三國最繁華世界六朝先  
君臣父子昂藏甚太息同無四十年

未必中原不可圖紫髯人說帝王都江東子弟甯隨項

晉國君臣却沼吳歸命封殊陳叔寶辨亡論有管夷吾  
舊時一片秦淮月屢照降幡記得無

愴絕秦中庾子山哀江南作夢生還一家詞翰爭藏怒  
九廟烝嘗任老慳心未降時先反覆身從捨後得蕭閑  
太平寺主無勞說韋叡高風不可攀

信莫愁湖屬建康渡江愁思却茫茫三分宛紹東吳舊  
百戰能支北魏強王謝門風仍顧陸陳隋人物半齊梁  
不須頻灑新亭淚玉樹歌殘國始亡

洗面唯應淚點斑寫愁傳唱念家山中興肅代君臣異  
綺語娥英姊妹間三李名標詞苑重

與太白清照  
稱詞家三李六朝

才亞選樓班可憐特賜牽機藥羨煞降王執梃間  
祇有飛來燕子登山樓粉堞最峻嶒北征將帥知興替  
南渡君臣備勸懲策定防河誰與守事談遜國總難憑  
大功坊泊梅花嶺耿耿忠魂傍孝陵

鄴中 錄六首

中興宜更畫雲臺幕府功兼樂府才便許高光原不稱  
遽倫莽懿亦堪哀扶輪七子尊詩格遺瓦千年惜硯材  
不分東西延兩晉諸桓敗後寄奴來

西陵墓草尙離離賣履分香語亦癡萬乘才當踰石勒  
一家集更有陳思幾人喪亂曾稱帝天下英雄定屬誰

酌酒太原公子過惜非橫槩建安時

原陵

武光

不讓讓長陵

高祖

四塞河山閱廢興不賀止聞姚

弋仲預言宜有佛圖澄禍同司馬均非久志比張良得未曾贍答并州書數語胡雛心迹總飛騰

梁沛真人定鼎先也如天柱執朝權鮮卑語亦教曹解  
敕勒歌唯斛律傳元氏興衰憑六鎮高家符瑞有三川  
可憐疑塚今難覓同作周文末命年

英雄天子可汗稱却署無愁恐不勝粧待小憐偏未畢  
謠傳明月總難憑人材仍數楊遵彥物論誰歸祖孝徵  
知否犬牙相錯地早分前後各椎冰



便署銀槍効節都訛言日至可勝誅顛癡皇帝諸伶例  
智勇將軍叛卒俱國有長君唐盾嗣天生賢主宋禎符  
石郎割地三關入麥飯徽陵任灑無

隋宮 錄六首

周穆王兼漢武皇齊陳後主也尋常三妃未葬殊嬌泐  
五子宜歌本太康秋菊春蘭俱絕世牙檣錦纜更何方  
阿廢頭頸知誰斫怕見粧臺寶鏡光

四道場分亦快哉放螢苑與鬪雞臺移春檻更敲冰作  
去銷夏灣誰駕海迴十六院同金盞醉數千艘各錦帆  
開關心大業何人記水飾圖經待翦裁

未了名心亦太偏  
燕泥庭草句先傳  
便營戰艦真無謂  
慣住迷樓定惘然  
問左遍馳君彥檄  
座間不愛總持牋  
有人飄泊萍蓬似  
會主中宮十四年

賦陋長楊並子虛  
帝王巡幸列仙居  
宣華金盒同心結

嘉則

殿名

香鑪副本書耀日  
麾幢平霸國凝塵  
弦管易皇

儲勝朝威武將軍  
署住豹房中恐不  
如

袁寶兒難比麗華  
長城同諡却誰加

陳叔寶封長城公歿諡煬

玉牀

搖動星初落錦幔  
週迴月又斜天下  
山川俱作殿人情

匹偶亦思家遶隄  
遍種垂楊柳飄盪  
花飛遜李花

萬寶常先決亂微  
伏游荒醉半曹騰  
東垂烽火知離索

南部煙花拌廢興六代鉛華須結束三唐豪侈殆因仍  
二分明月揚州郭誰向雷塘覓舊陵

太平興國繭紙行爲周素夫分轉作

宋平章李昉造

蠶繭紙傳王右軍太平興國總不聞參軍藏之閱十載

鮑君鎮方

佳絕真贗終難分珍重傳觀或良是依稀尙有平

章字製古或遜黃門家價貴真如洛陽市平章昔相宋  
太宗三大書成相始終風流儒雅本無匹相業兼及文  
房中名位迴殊臣彥古時政記脩當藉汝堅純肯讓澄  
心堂靡麗不數成都府轉眼流傳七百年揮毫無人同  
夢憐橫邪不比司空賜青白原稱學士賤參軍老死誰

收得狼藉疑敎污殘墨阿誰攜到尙依然顧曲人開尤  
喜極典裘換取什襲藏迴異從前索價昂平章製造仍  
千古賞鑒留遺各一方沒字碑同原至寶行庵倘夢參  
軍討紙兮紙兮閱盡四代能書人君猶鍵戶另紙摹碑  
課真草

重游禹峽山

有序

昔獨漉子謂二禹者造物憫度之大慈故寓至奇於不  
深不靜之間然過二禹下者日不知其凡幾而謂名利  
之心果緣山水而頓易清涼也哉余舟過峽山游飛來  
寺偶憶其言而有所感爰作詩曰

空翠撲船窗叢叢高插天幽磬響互答柔艣聲獨圓帆  
檣迭去來宮闕猶神仙一水合迸流羣山鬱蒼然巨浸  
滙扶胥諸峽首清遠彈子磯相連香爐峽初轉派聯庾  
嶺蹙勢壓瀕江緩絕谷與迴巖脩巒復峻巘七十有二  
峯韶陽青不斷壽藤暗懸渚叢箐密捎雲嵐光畫相炫  
泉響鐘迭聞飛梁山石髓找閤海潮痕崖樹閱今古澗  
花無冬春堆斜使路直岸合緣溪分如怒猊伏犀如奔  
獅坐麟連障而疊嶂難得以悉陳謂昔軒轅代二帝子  
居之遇非病采藥時匪飢食薇攀龍愴欲絕控鶴歸倘  
遲窳古讀何書帆岫膾臺基古寺又新寺同署曰飛來

初祖昔曾經道場於此開何人驅土木今夕聞風雷去  
住苟無定莊嚴吁可哀歸然闢香界寂甚叩禪扉水色  
與山光昆明存劫灰成仙定成佛何代復何年釣獲趙  
胡鯉歸隨孫恪猿安尉詩存洞韋郎帖捨園釣磯停水  
間櫟社落花阡了緣契道釋託業此山川要徑各爭先  
征途已宿戒白帝辭輒還黃牛見誰奈舟避石篙折路  
緣雲窄挂步步苦鉤衣聲聲聞墮淚晚潮機可弭逆風  
纜如繫誰深竹柏懷畧償烟霞債挂笏偶名山垂綸定  
淺瀨或愛作熱官或甘爲拙宦壯懷陸賈還遠謫虞翻  
怨謁帝同蘇秦依人類王粲蠻貨各遠齋越裝誰早辦

久不聞渭城亦畧解甕算薏苡載一車蒲葵值五萬臥  
游總未能寄宿知誰願如聞讀道經宛聆撫素琴頓觸  
脩然致全窺靜者心清言比嵇阮往蹟同向禽俗緣也  
盡淡世味原深諳撲面塵悉滌當頭月不慙依然賸故  
我挂席倏江潯懊惱別烟鬟闌珊聽瀑布淨域峙何因  
通津俯如故繫利鎖名疆華嚴劫能悟苦竹亞荒祠斜  
陽明野渡山靈任笑人灘師紛覓路疊舸競喧闐法輪  
彌鞏固撾鼓盡船移盤桓轉難去

抵曲江謁張文獻公祠

騷雅先全粵安危判盛唐神弦翻舜樂詩境酌椒漿望

著姚兼宋文傳莫與姜開天徵理亂嶺海紹詞章幼解  
繙文集恒思負笏囊科名企伊呂衡鑒羨王張凱切干  
秋鑑矜嚴七寶裝甯徒備顧問端賴救興亡名器原當  
惜遷流本不妨滔滔非好辯諤諤久懷方倘第如林甫  
惟知保壽王至尊容指斥後嗣本蕃昌商嶺功宜預新  
城禍正長易儲他日慘詰佞數言莊廟社憂彌切哥奴  
相早防誰真滅奚厥倍甚典河湟曲意仍嘻笑甘言兩  
中傷高居真獨委臥疾却遙望石勒生非偶穰苴法敢  
忘野心恒怏怏反狀亦彰彰定數方名鹿前愆况盜羊  
奚難識驕蹇翻議害忠良語盡元龜似心隨海燕忙共



憐鵬挾兔真信鳥除蝗將易胡人種妃更道士粧宰衡  
棲複壁酋虜賜溫湯驛換才乘馬書題錯弄麀金雞榮  
阿鞞冰獸鬧諸楊汰侈移春檻姦邪偃月堂敕空頒渤  
海鼓忽動漁陽賦扇臣歸骨聞鈴主斷腸多言非偶中  
萬死却相將馬鬣封千尺蠶叢泣數行太牢儀整肅長  
笛曲清鏘收復煩諸將褒崇痛上皇誰令漸疎遠實使  
各披猖明允言徵驗長源事較量勝流兼口案元帥擅  
文場南國論宗匠東京首議郎元精猶耿耿墜緒總茫  
茫六代餘殘屑全編付海桑惟公撐健筆大雅冠吾鄉  
才藻凌摩詰詞鋒軼子昂直從初盛晚遙逮屈陳梁別

派何曾異流波尙遠場竟陵寶魑魑厯下比蜩蟬星斗  
三台重旃檀一瓣香轉移歸正始疏鑿豈尋常遺廟丹  
青古宗臣蘭茝芳威靈難聞寂風度試端詳望月懷同  
遠聞風喜欲狂不名知共愛直道竟誰匡聚族支流遠  
何山體魄藏生平立仗易經濟走九當軼事飛奴艷休  
微白雀祥爐烟青不斷他日詣荒岡

爐熾燭  
之名

陳中洲詩自註公  
墓有五馬歸槽香

### 兀坐

溼雲不散雨淋浪兀坐蓬牕半異鄉欲報平安無驛使  
行人八日抵梨塘

春盡日過鄰園作

小亭臨水見人家半畝方塘閣閣蛙  
貰酒餞春春不管  
馬纓丹對佛桑花

癸卯正月送梁玉臣舍人還都

纔覩南來又北遊鸞簫鼙鼓送行舟  
時上元後二日文章報國

論家世風雨懷人惜滯留紫陌看花誰可並金門索米  
未須愁元龍豪氣知難盡何日聯牀百尺樓

葭玉論懽記廿年諸郎才調各翩翩酒悲忽動思良友

謂石溪君  
謾諸子

文福能兼信謫仙賞會曾傳蕭介共功名誰

說馬周先星槎玉節君家慣且對離筵話水天

羣從頻年度嶺回

謂筆珊儼  
裳兩太史

畧談蹤跡別懷開知交覲

面疑難識半世論文決此才雙鯉浮沉勞寄取五羊延  
款幸叨陪燕臺雲樹花田月一掾狂歌對酒杯

當年骨相偉權奇不僅聯翩到鳳池台袞尤推人有集  
辦香仍冀壻能詩

謂孝  
兒

卽今際會飛騰始從古英雄富

貴遲獨惜故人猶梗泛酒船琴社鬢成絲

羅浮仙蝶畫卷爲同年梁筆珊太史題三絕句

鳳凰鸞鸞兆非誣還數滕王舊畫圖文字祥符君見慣  
殷勤相報有麻姑

常棣剛開兩樹花一門詞翰總清華太常蝶與羅浮蝶

肯入尋常百姓家

偶然葛鮑跨還山一段仙緣說等閑  
仙子幫襯多變幻  
智瓊曾否又人間

疎慵一首

楚南江浙聘衡文

謂矩亭椒生  
羅村三學使

文字緣深出處分誰信

年來捐故技疎慵真比鄧將軍

鶴

竹溪花嶼偶徘徊遽使乘軒意總灰  
便等鸞凰終逸品  
倘爲騏驥卽凡材座逢叔子猶能舞籠似支郎或暫來  
城郭人民依舊在相期丁令早飛回

讀東坡嶺外詩詠古六首

蒲澗信長老

老尋支遁總魂銷  
鉗鉢因緣酒一瓢  
禪榻鬢絲憐小杜  
石泉槐火當參寥  
遠公入社曾誰識  
蘇晉長齋不自聊  
此曲問師師問汝  
剛松人返六真橋

鄧道士

一壺春酒兩橋詩  
梗概心情舉國知  
奴隸成仙與遊戲  
隱淪利物致謳思  
松聲蕭槭泉鳴急  
花影闌珊月上遲  
爛醉不聞如許事  
東坡居士款門時

老符秀才

瓢猶有酒莫言貧  
鬢欲成絲且看春  
豈藉品題聲價重  
須知酬酢性情真  
他鄉佳日偏逢汝  
名士窮時迴異人  
內翰不來寒食近  
刺桐花底老閑身

黎子雲兄弟

能如軾轍盛名齊  
同住牛欄老屋低  
何氏不分山大小  
杜陵偏愛灑東西  
簪纓黨錮供離別  
伯仲蕭閒入品題  
笠屐有人圖畫遍  
對牀風雨羨諸黎

林氏媼

鉛華夢醒惜芳時  
花擁千千萬萬枝  
月地雲堦偏易老  
青裙縞袂不相思  
種桃道士曾誰屑  
倚竹佳人特自持

三十餘年何限事此心惟有落紅知

春夢婆

婦孺知名且放歌一瓢安事此經過勲名建豎曾誰在  
兒女英雄奈若何文字獄興公論泯黨人碑勒相材多  
東塗西抹年時事請向山間認阿婆

賞雨茅屋集有消夏詠古樂府五首和作

吳王銷夏灣

蓮花萬朵如人面西施肌骨清無汗採葛何如採蓮豔  
洞庭西山足荒礮如何轉眼梧宮秋越王歌舞吳王愁  
宮牆寒水湯湯流五湖銷夏仍扁舟



隗囂避暑宮

始胡事更始繼却臣公孫進退兩無據  
焚腸總憂煎倍甚井底蛙誰視水中鷺  
風塵一例竇周公滌霧定笑馬文淵  
依然避炎漢麥積山東偏吁嗟乎四七之際火爲主  
滹沱冰合非偶然有人風雪蕪蕪亭豆粥麥飯臣節完

魏文帝醺友臺

設彈棋閒六博精妙何如文字樂  
沉朱李浮甘瓜清涼偏屬帝王家  
帝王之家樂難繼陳徐應劉業俱逝  
撫時懷舊總憐才相煎太急嗟子季  
尺布斗粟同猜忌如此

逸才求自試吁嗟乎昭明太子類陳思如君酷似梁元  
帝

石虎冰井臺

丈夫不學曹孟德遺臺何者非陳迹登臺觀火火難熄  
銀楹金柱合藏冰可曾頒賜佛圖澄純灰三斛洗吾腹  
飲溼餐霞偏不足棘林壞衣雌虎哭庭燎灌油死何酷  
北魏孝文帝涼風觀

孝文北魏稱賢主南遷洛邑復誰阻伽藍之興亘千古  
咄哉瑤光寺住比丘尼何事君王來避暑風生戶牖雲  
起梁須知佛汗先如雨差勝瀕死臺城索蜜嘗同泰捨

身笑梁武劉騰亦有涼風堂冥福難追爾朱怒他日高  
歡避暑宮晉陽相望知何許

抵惠州訪朝雲墓

坡老精靈嶺海間美人香草賸湖山清娛業分隨司馬  
白傅何能遣阿蠻不去豈知成苑別瞥然本秦少游南歌子語無  
計得生還六如亭傍棲禪寺躑躅花開夕照斑

素聲斜與二喬墳綺語流傳雅鄭分集古詩成誰許贈  
傷春詞在不堪聞植花酌酒煩伊守墨卿剔薜鐫銘愛樂  
君蓮裳莫比尋常金粉地闌珊風雨感斯文

藍關

弔古依然馬不前當年衝雪瘴江邊最難謫宦爲循吏  
敢信吾家證列仙驅鰐有方文不朽驂鸞無分事空傳  
祇應白鶴新居者風節詞章各後先

登鐵漢樓二首

瀕海何當戀故山苟存性命學權奸鶯花瘴癘流離慣  
鐵石心腸去住閒獄起同文傷武斷臣甘萬死冀生還  
鬚眉如戟樓俱古凜凜英風不可攀

榱桷欹傾繡碧苔清高遺像鬱風雷天涯海角孤臣歷  
等雨茅煙刺客來一死鴻毛盃酒對餘生虎吻檻車回  
汴梁宮殿魂歸易金爵觚棱賸劫灰

銅柱

百蠻低首懾英風  
劃地莊嚴氣象雄  
一例雲臺稱佐命  
千秋炎徼紀豐功  
彤弓玉節今殊錫  
翠羽明珠本自通  
交趾永祈無毀折  
愼脩職貢早來同

戊申上春花地紀游六絕句

人日游人較獨多  
瘦紅其奈苦寒何  
嶺南花事原無準  
買總宜船且渡河

玉蘭如玉豈尋常  
罌粟薔薇足抵當  
獨惜牡丹無信息  
怪人偏說是花王

盈盈一水也緣慳  
琴鶴同船恣往還  
狗日已來風浪惡

元旦後放晴天特爲余開

有花枝處有樓臺金碧簾櫳傍水開過白鷺潭端不易  
美人都爲拗花來

煙水空濛劃櫓枝紅牙紫玉看花宜大通寺檣千年樹  
人去人來總不知

好花臨水覺嫣然况遇楞嚴十種仙敢信豔陽金粉地

著書人忘種松年

南山先生謂擬于花朝  
後住聽松園鍵戶著書

### 漫賦十首

名心淡盡也風塵滄海橫流惜此身但到中年哀樂慣  
可如吾輩性情真門無剝啄誰相訪架有儲藏未算貧

仰屋著書原不易萬緣俱寂總前因

人海誰非涸轍魚枉拋心力竟何如孟公悔煞傳驚座  
貞白終當著隱居結客場非年少日買山錢賸絕交書  
送春時節黃梅雨几杖翛然返敝廬

似聞梁燕語呢喃心緒纏綿再浴蠶不信王恭無長物  
何曾殷浩與空函訂千金諾知何補飽五侯鯖笑未諳  
報道先生剛證道藥鑪經卷佞瞿曇

休將名譽作升沈知我應能諒苦心聞不妨來緣見去  
交何嘗淺却言深飄零或竟同磨鏡激烈奚煩定碎琴  
如此風波良未酷寂看庭樹晝移陰

挾瑟朱門有故吾人材如汝合菰蘆管甯割席相期甚  
郭太同舟倘憶無卽墨牛成誰復料中山狼傳殆非誣  
草堂賢亦談何易辦釣魚船住五湖

日飲亡何酒未空吹簫乞食也英雄生平可類河間婦  
得喪甯關塞上翁詩詆看花劉禹錫賦傳采藥陸龜蒙  
端居是處名山似世事悠悠聽轉蓬

年來願息漢陰機鍛羽樊籠願總違冷眼早知天下險  
熱腸翻覺古人非斷無任俠真名士可有圓通大布衣  
文正義莊焉得置墓田未辦角巾歸

洛陽令果識袁安曾念綈袍范叔寒賞到郭隗收馬骨



累殊閔預買豬肝故人懶作詩留別佳士偏聞缺共彈  
五嶽未游游不返向平婚嫁竟誰完

依然老子獨婆娑擁亂書堆卽澗阿陳實自知交道廣  
陸機人詆賦才多曾陪東閣觀梅謔屑和南山種豆歌  
放下蘆簾庭月上一鐙相對夜如何

倒屣從無索紙誰債餘文字應門遲懷人或擬閑情賦  
選客如吟禁體詩毀譽曾非遭物議行藏何者合時宜  
愛閒多病君當恕浪迹江湖兩鬢絲

萬園雜感

飄蕭元髮戰秋風短褐論交肯諱窮誰謂才如不羈馬

却教神似可憐蟲聲華人比邛希範太息時無郭代公  
戢羽江干吾敢恨年來真作信天翁

信手黃金話昔年零星人豔賣文錢卜鄰聽說心先懶  
游世從來術不傳半畝宮存端有福五侯鯖飽諒無緣  
平生屑下窮途淚興到琴書亦愴然

吳市吹簫事倘真帖裁乞米話酸辛英雄末路惟彈鋏  
朋好交情屢指困浩蕩鷗閑應笑我去來燕熟舊依人  
家徒壁立相如誕典鸛鷀裘未算貧

開逕唯容二仲過寒暄却奈杜門何文人或者相輕慣  
名士休論所值多墮甌宛然宜勿顧唾壺縱缺也高歌

十年久絕風塵想看劍中宵黯不磨

拚將蹤跡潤屠沽儋石無儲似博徒遊戲難同仙狡獪  
營謀宜致鬼揶揄鶯花風景連三月蝦菜生涯住五湖  
風雨攬林詩興鬧不堪門外有催租

枉拋心力博聲名跌宕蕭閑見性情有客江湖思載酒  
無田煙雨說歸耕地偏仍以身爲累計左真如命可輕  
說與旁人渾未解隔牕明月上松棚

寄陳蘭甫同年

升沈已定說青紅諺語時局年來總不同吾輩胸懷宜灑  
落老禪文字儘圓通閒雲野鶴緣先澹貝錦南箕術未

工請看梅花香傲雪盛開全未藉東風

嶮巖閑歷抵康莊太直心難入道場興致已闌琴易碎  
光芒忽露劍須藏偶然獨自開生面縱學英雄敢熱腸  
海闊天空誰不見癡雲點綴月微茫

賀雨詩倣白香山體

今年旱無雨請雨心誰虔草木盡焦卷山川若熬煎土  
龍本無靈赤帝誰復憐相從但巫覡吁嗟亦喧闐昔聞  
漢鄭宏隨車雨濺濺又聞顏真卿決獄能回天冤滯理  
亦後奸殘屏宜先督郵罷不亟孝婦祭枉然黑雲大如  
礮靈風陡回旋快雨從東來頃刻煩囂前奔迸等急溜

颯灑疑奔泉絲散密更疎珠跳輕以圓枯槁甦四郊清  
涼生百廛側聞 天子聖克已自省愆得雨不任功造  
化原有權得無守土者有若顏鄭賢拯寃澤固厚黜邪  
功乃完小臣復何知抃舞陳詩篇相期歲大穫斛粟無  
千錢

擘經室集有緣陰詩和作四首

黯黯離離夏亦寒宛然空翠撲闌干舊家池館蟬聲亂  
深院簾櫳鶴夢安荷葉似雲維釣艇槐花如雨解征鞍  
山重水複荆闢盡端爲綿濛著筆難

不宜疎雨但宜晴相間風聲雜水聲澎湃况當飛瀑濺

玲瓏肯放夕陽明竹牀藤枕神仙樂豆架瓜棚畎畝情  
却憶仲春挑菜節嫣紅交錯坐聞鶯

滿地風漪有凍痕年時慘綠最銷魂池平樹古涼于水  
人靜堦閒日又昏几榻餞春彌勒寺琴尊銷夏辟疆園  
南歸五月輪蹄路翠竹江村記款門

春去春來總不知落花門巷更憐伊低環院宇停歌扇  
濃壓樓臺卓酒旗翠幕風聲飛燕子金塘水碧浴鷺兒  
老來誰作芳時恨轉笑尋春杜牧之

獨坐

花亞讀書牀偏難覓睡方閉門宜種菜埽地定焚香靜

境於忙得閒緣與病妨蕭然無一事紅燕吟雕梁

擬古樂府有所思用唐體十二首

有序

古樂府有所思昔人多擬作者郭茂倩所輯二十四首  
餘莫之詳也夫樂錄特原事始其初偶爾懷人詩題各  
具集中此外殆難更僕不必規模原作居然沾漑後來  
已夫春水方生贈之芍藥秋霜未已采及蒹葭寄興實  
始於榛苓屬辭忍棄乎蕭艾菊芳蘭秀懷佳人兮敢忘  
辟芷江離思公子兮誰語各本風騷之古能窮魏晉以  
還遭遇未協乎君臣纏綿頹假之夫婦事均有感作等  
無題然而高唐神女本宋玉之外篇繡段貂褕豈張衡

之極筆縱謂義關諷諭言託迷離自寓箴規詞多隱約  
終嫌刻楮誰嘆積薪雖盡態而極妍豈離象而得法又  
況于鱗元美業有違言海雪湟湟久無嗣響乎所貴寸  
心獨照生面重開儘得風流一空依傍樓臺湧現如來  
彈指卽成蹊徑尋常文靖著屐能到僕小山未擬故國  
平居今雨誰來停雲在望爰卽游蹤各駐短句先裁夢  
萍葉以傷離作梅花而寄遠庶音徽之未沫縱持贈其  
何堪得所思人不見五律十二首仍署曰有所思焉他  
題誰請緣展卷以思君古法蕩然憑說詩而罪我地錯  
分乎遐邇人暫畧其姓名知紀實之不妨謂銘心其已



久耳嗟嗟風雨雞鳴豈獨善人之喻星霜雁渺何曾遠  
道之貽循覽引伸游戲自在初寫蘭亭而恰好同味苦  
岑而眷然一往情深宛織迴文之錦自憐才盡任嘲沒  
字之碑與古爲新苦學妃豨而誰屑所思不遠仍如社  
燕而頻來爾

所思人不見聞在玉門關風雪誰曾歷年時久未還雄  
心開劍匣歸夢撫刀環欲贈黃金甲窮邊兩鬢斑、  
所思人不見聞在白溝河寇退懸金印官閑想玉珂房  
櫳聽雪慣車馬看花多欲贈麒麟筆言歸覓釣蓑  
所思人不見聞在莫愁湖驛堠黃鵠馬簾櫳白項烏琴

憑臨鏡撫酒待鬻釵沽欲寄雙鷺枕還鄉夢也無

所思人不見聞在素馨斜院宇千竿竹田園百種花相  
將同射鴨一笑復撈蝦擬贈青絲籠條桑可憶家

所思人不見聞在闔閭城曉幕誰留燕春郊早試鶯金  
貂年少服銀甲小鬟箏擬寄歸帆挂東風便去程

所思人不見聞在大夫岡蘋藻俄增感松楸儼列行碓  
聲沽酒肆燈影讀書堂擬贈新吟卷窮通說兩忘

所思人不見聞在百花洲身世留長鋏星霜換破裘馬  
周空入市王粲獨登樓擬贈雙游屐還山萬事休

所思人不見聞在萬松山開卷朝窺牖然香晝掩關到

門芳草碧滿地落花斑欲贈絲桐古無弦稱汝閑

所思人不見聞在黑龍江壯志何能副雄心總未降燕  
臺金絡騎楚水木蘭艘寄與蒲團坐懸知淚滿腔

所思人不見聞在白鷺潭官柳時維艇園花各滿籃鴟  
夷原一舸彌勒總同龕寄與行勝著塵勞恐未諳

所思人不見聞在綠營中疇昔能談劍何年早挂弓書  
生曾入幕才子定從戎擬贈紅絲研當推草檄工

所思人不見聞在六篷船御史來誰遣揚州夢枉然淹  
留歡喜地決絕奈何天擬贈香羅帶君仍抵死纏

閨中秋夜醉後寄紫垣觀察

彌年佳節讌江樓江月依然感昔游今日疑將展重九  
人生難得閨中秋英雄鎮板銅琶淚時粵西寇氣甚熾兒女雲  
鬢玉臂愁時事日非生計拙頭銜第署醉鄉侯

游鄭仙巖登倚山樓看雨

萬木蕭森雜雨聲四山如墨海雲生澄觀少日猶宗炳  
登陟何年學向平笠屐難游聊伫立鋤犁未辦說歸耕  
世間只有神仙樂好景微濛畫不成

行菴對雨

久無人枉過况在雨聲中砌蘚餘新綠檐花有墮紅村  
田知旱未身世祝年豐轉羨湖船住推篷理釣筒

桐葉芭蕉葉聲聲欲到秋陂塘誰放鴨院宇靜聞鳩風  
雪攜行卷關山擁傲裘生平無限事遊作一天愁

寓園稌咏

晝長睡到日平西茶鼓聞敲自隔溪書課已完無一事  
薔薇花下竹雞啼

閉門種菜亦英雄積雨新晴課小僮未免周妻何肉累  
却兼春韭與秋菘

縱言蹤跡溷漁樵剝啄無人太寂寥但使偶來談稼穡  
頓忘離索鬢飄蕭

新種芭蕉雨復風淋浪聲滿綠天中年時去住江湖熟

絕似吳船箬篴篷

避囂久擬學維摩豈獨門前雀可羅  
萬綠團雲深樹底  
枕書眠愛鳥聲多

却喜豐年歲歲逢  
閒街燈火聽村舂  
無田穀價關心問  
課雨量晴甚老農

頻思天上落雙魚  
敢道無間作報書  
四海論交耆舊盡  
星離雨絕總愁予

生天成佛事茫茫  
算閱華嚴劫一場  
飲酒每當微醉後  
擬呼鄰叟說干將

初夏

蕉綠上紗階除日影斜池塘蛙閣閣門巷雀喳喳便  
憶蘄州簟新嘗嶽麓茶不知春已去落盡紫藤花

夜起

燈昏仍與伴香燼倩誰添颺閃螢光暗蕭寥鶴睡恬竹  
聲喧隔牖花影壓重簾鐘動何能寐閒堦月似鹽